

# საბრძოლო

№ 23

— სალაშქრო

ყოველ-კვირული იუმორ. ჟურნალი.

ლოცოვანაძე ს. ბიბოვისა.

ბატონის ცაცოლებს.





# ემპაკის ინტერვიუ.

სოფლის მღვდელთან.

— რახა ბრძანებთ, მამაო, ქართველი სამღვდელოება, ეს ძარღვია ქართული ეროვნებისა.

— თქვენს პირს შაქარი! ჩვენ კი დავკარგეთ იმედი ჩვენი ბედის გამობრუნებისა.

— მე, როგორც ერის კაცი. ძლიერ ცოტას ვკითხულობ საღმრთო წერილის წიგნებს, მაგრამ იქიდანაც ნათლად სჩანს, რომ სამღვდელოება, ეს ყველაზე უფრო გაქირავებული ნაწილია ხალხისა.

— გაცხონოს, შვილო, ღმერთმა. ამისთანა ტკბილი სიტყვა ჩვენ ერთი აღარ გავგიგონია აგერ ხუთი ექვსი წელიწადია. ჩვენს გაქვირებას კაცი ვერ ასწერს, ენა ვერ გამოსთქვამს.

— რა უფრო აწვევს ღოღათ თქვენს დღევანდელ ცხოვრებას, მამაო ოქროპირ!

— რომელი ერთი გითხრა, შვილო! ხალხი ისე გვიყურებს, როგორც მტრებს... საყდარში ისე არავინ შემოვა, თუ სტრატეგია ძალათ არ შემოიყვანა. ამდონ ხანს თათრის მამასახლისები გვყავდა და ისინი ქე აქცევდენ ყურადღებას ამ საქმეს, ახლა მოსპეს და დავრჩით ორი სამი დედაბრის ამარა.

— მერმე რისთვის არ ითხოვთ, რომ ხალხს დაავალონ ყოველ უქმე დღეს ეკლესიაში სიარული და შესაწირავის მოტანა?

— ეს, შვილო, ჩემათ კიდევაც ვითხოვთ, მაგრამ ყურადღებას არ აქცევენ. აშკარათ რომ ვთქვათ, კიდევ უფრო უარესია დრამა ფულის აღება ხომ სატანჯველია და სატანჯველი.

— უკირს ხალხს, არა?

— ხალხს რა უკირს, შვილო, გასაქირი ჩვენ გვადგას თუ სტრატეგია არ ჩაუყენე, თუ საწინდარი არ გამოიტანე ოჯახიდან, ისე ქისას თავს არ მოხსნის და ისე გაგამწარებს. საშინლათ გაძუნწდა და გაფუქდა ხალხი:

— რისთვის ეხარებათ ნეტავი ეგრე საშინლათ რაღაც ორიოდ მანეთის გადახდა?

— ოი ღმერთი დასწყევლის იმ „ერთობის“ მომგონს. იგენმა შეგაგონეს ეს უსამართლო გადასახადიაო, თორემ გლენმა რა იცოდა, რომელი სამართლიანი იყო და რომელი უსამართლო?

— იმას კი არ ფიქრობენ ის დალოცვილები, რომ ცხრა შვილი გყავს გასაზრდელი და შენ თითონაც რჩენა გინდა.

— შვილები ხომ შვილებია, ისე რამდენი ხარჯი ჩვენა გვაქვს, ვინ მოსთვლის შენი ქირიმი.

— სხვა რაღა გაწუხებთ, რომ აღარ ვიცი? ფუფუნებას და გასართობებს თქვენც უნდა დაანებოთ თავი.

— რის ფუფუნება შვილო. აი ხუთშაბათს, მაგალითად ეფისკოპოზი მოდის რვეიზიაზე.

— მოვიდეს  
— მოვიდეს, რასაკერაველთა, არაფერია მისი მოსლა, მაგრამ..

— რაღა მაგრამ! ალბათ ანგარიშები გაქვს ცოტა იაღლიშათ, არა?

— ანგარიშები უნდა მაშ! ოთხი ხუთი თუმანი ხარჯი უთუოდ ამყობა.

— ნუ აზვიადებთ, მამაო! ერთი ბერის მასპინძლობა, არც ისე დიდი ხარჯია.

— ბერი ერთია შვილო, მაგრამ აი იმდენი სტრატეგები რომ დაყვება, პრისტავი და მამასახლისი კიდევ სხვაა, ახლა აქ უნდა დალატოვო ვინმე წარჩინებული პირები და აი ქე შექცვა საქმე და ხარჯი.

— სტრატეგები რა საქიროა, დაკვნები ხომ არ არიან?

— მაშ, როგორ იქნება! ჩვენი ბედ იღბალი იმათ ხელშია და გვერდს ვინ აუქცევს

— მართლა დიდს გასაქირში ყოფილხართ, მამაო! სამაგიეროთ, ახლა თუ მოიმადლიერებთ სტრატეგებს და მამასახლისებს, დრამის დროს გაგიადვილებათ შრომა და სატანჯველი.

— აბა მაგის იმედიც რომ აღარ გვექონდეს, წყალში უნდა ჩავვარდე და ისაა.

საბრალო ქართველი სამღვდელოება! რომელ ერთ სატანჯველს გაუძლოს!

ემპაკი.

## შ ლ ა გ ი ა ტ ი .

(თავისუფალი თარგმანი)

დიდათ გავრცელებულ ჟურნალის „ხურდა“-ს რედაქტორისაგან ასეთი წერილი მივიღე:

„ძვირფასო იგოლიკინო! ხვალ შვიდი საათისათვის უთუოდ უნდა წარმოგიდგინოთ რაიმე მოთხრობა თქვენი კალმისა 3—4 ფურცლის საკმარის. ამ წერილის მიღებისთანავე ჩაუჯექით. იმედი მაქვს არ მოგვატყუებთ. წასახალისებლათ ახლაც გიგზავნი 10 მანეთს, რაიცა ძველად წაღებულთან ერთად შეადგენს 18 მანეთს. აბა ყელი არ გამოგვკვრა.

თქვენი ივანე ხაუბერნი“.

უნიკო მწერალი ჩემს ადგილზე ძლიერ დაიბნეოდა, შეშინდებოდა, მაგრამ მე, როგორც ნიქერი და გამოცდილი, მყისვე საქმეს ჩაუჯექი.

მსწრაფლ გავაღე შკაფი, გამოვიღე იმავე ჟურნალ „ხურდა“-ს ძველი შარშანდელი ნომერი, ამოვარჩიე პირველივე მოთხრობა ერთი „ცნობილი“ ახალგაზრდა მწერლისა, რომელიც დღეს უკვე ყველასაგან დავიწყებულია და გამაღებოთ შევეუძმე გადმოწერას.



მთელი ღამე გავიტეხე ჯანი, განუჩერებლივ და თითქმის სიტყვა-სიტყვით ვიწერდი ჩემს საკბილო მოთხრობას. გათენებისას რის გაკვირებით მოვჩიხი, მოვაწერე ჩემი სახელ-გვარი და ვახალე პატივცემულს რედაქტორს.

მოთხრობა დიდის ხალისით წაიკითხეს, მოაწონეს და დაბეჭდეს.

სახელად ერქვა მას „შოლტების კონა“.

II

გავრდა ორი თვე. ამ ხნის განმავლობაში კრიტიკოსები ერთგულათ არჩევდნ ჩემს მოთხრობას. ზოგიერთნი უკვლად უნიქოსა და უმეცარს მესახედნ, ჩემი ნიქისაგან აღარაფერს მოელოდნ, სამაგიეროთ სხვებს ცამდე ავყავდი და გენიოსთა შორის მრიცხავდნ.

რამოდენიმე მეცნიერმა ლექციაჲ კი წაიკითხა „შოლტების კონა“-ზე უნივერსიტეტში, აკუშორთა კურსებზე, გინოვოლოგიურ ინსტიტუტში და ზოოლოგიურ ბაღში.

ზოგიერთნი ამობედნ, რომ მე უნდა დამედგას ძვირფასი ძეგლი, მეორენი ურჩევდნ ქეშპარიტ ლიტერატორებს მოედანზე გამოვეყვანე და საჯაროთ დავეწვიე ჩემს „შოლტებთან“ ერთად.

შესამე თვის დასაწყისში, შემთხვევით გადავხალე ერთი პატივცემული ჟურნალის ნომერი და ასეთ მოულოდნელ წერილს წავაწყდი:

ურცხვი პლაგიატი.

„ბ-ნი მახათაძე, შეიძლება ითქვას უკვე ცნობილი და დამსახურებული მწერალი, გამოდგა დაბოლოს მხროლოდ უბრალო, უსირცხვილო ლიტერატურული ქურდ-ბაცაჲ. იმისი მოთხრობა „შოლტების კონა“...

— ნუ თუ ყველაფერი გამომეღაღდა?... ნაღვლიანათ გავივლე გულში. თითონ ავტორმა ვერაფერი გაიგო, ხმა არ ამოუღია და აქ... ღმერთო ჩემო!

მე მოვიკრიფე ძალ-ღონე და განვგარძე:

— ...მისი მოთხრობა „შოლტების კონა“ უბრალო ქურდობაა. ბნ მახათაძეს ის სიტყვა-სიტყვით ეადმოუწერია კოლუმბის დროინდელ ამერიკელ მწერალ ჯონ-ლაისაგან.

— ამერიკელისაგანაო?! ოჰ, მადლობა ღმერთს! თავისუფლათ ამოვისუნთქე მე.

— აი თურმე რისთვის არ იღებდა ხმას ჩემ მიერ გაძარცვული ახალგაზრდა თანამშრომელი ჟურნალი „ხურდისა“! ცხადია, იმასაც ამერიკელი ჯონ-ლაისათვის მოუპარავს. დახეთ იმ უსინდისოს?!..

თავისუფლათ ჩაეიკითხე მთელი წერილი და ჩინებულს ხსიათზე დავდექი.

— რა ვქნათ! ამერიკელს მოჰპარო ეს კიდევ არ არის დიდი დანაშაული!

III

გავიდა კიდევ ორიოდ თვე. მე კიდევაც გადამავიწყდა ჩემი პლაგიატის ისტორია, რომ მასზე საფრანგეთმა დაიწყო ლაპარაკი.

ერთმა ფრანგულმა ჟურნალმა, სრულიად უმიზეზოთ და მოულოდნელათ დასწერა ამის შესახებ:

„ერთ-ერთ რუსულ ჟურნალში არჩევნ ამერიკელი ჯონ-ლაის მოთხრობას. ეს მწერალი შესანიშნავი იყო მით, რომ გარდაიცვალა რამოდენიმე ხალკუნის წინეთ. მოთხრობას ეწოდება: „შოლტების კონა“ და რუსულ ენაზე გადათარგმნა ბ-ნმა იგოლიკინმა.

ამით ვაცნობებთ პატივცემულ რუსულ ჟურნალს, რომ ამერიკელმა მწერალმა ჩაიდინა უსინდისო ქურდობა, რადგან მოთხრობა „შოლტების კონა“ ეკუთვნის ჩვენს თანამემამულეს ეან და ვალს. მართლაც ამერიკელთა სიურცხვე უნდა ჰქონდეს აღამიანს, რომ ასეთი აშკარა ქურდობა ჩაიდინოს.

ფრანგებო! გირჩევთ უფრო გაუფრთხილდეთ ჯიბეებს ამერიკელებთან შეხვედრის დროს“!

— ეს სწორეთ საზიზღრობაა! უნებლიეთ ამომხდა გულის სიღრმიდან.—ქურდობა და ისიც ეგრე ურცხვათ, უსინდისოთ. ერთი ზღვიდან მეორეზე! არა, ამის მაგვარს კაცი ძნელათ მოისახრებს.

IV

— გაიგე? შემეკითხა გაზეთ „ფორფიტის“ თანამშრომელი.

— არა, არაფერი გამიგია. რაშია საქმე?

— როგორ თუ რაში, გერმანია. ამხელს საფრანგეთს ლიტერატურულ ქურდობაში, პლაგიატში.

— ეს ძალიან საინტერესოა! აბა მიაბმე! მეგობარმა დაიწყო:

— რომელღაც ფრანგმა დასწერა მოთხრობა...

— „შოლტების კონა“! წამოვიძახე მე. ჩემი მოსახებრე ძლიერ გაოცდა.

— შენ საიდან იცი?

— ისე, საღდაც რაღაცას ყური მოვკარი. განაგრძე, განაგრძე!

— ჰო და, გამოირკვა, რომ თურმე ეს მოთხრობა იმ ფრანგს მოუპარავს გერმანელ მწერლის ბ-ნი ბირფურეტისათვის. აი თურმე რა ხალხნი ყოფილან ეს ჩვენი სანაქებო ფრანგები!

— გაირყვნა ქვეყანა, გაირყვნა! დავთანხმე მეც და ორი საათის განმავლობაში ავათვისეინებდით ამ უსირცხვილო ლიტერატურულ ქურდ-ბაცაჲებს.



V

ინგლისსა და გერმანიას შორის შავმა კატამ გაირბინა.

პოლიტიკურ პორიზონტზე მრისხანელ ამომართენ ომის მომასწავებელი მრისხანე ღრუბლები. ეძებდნ მიზეზს უთანხმოებისას, მაგრამ არსად



# შავიკვის მრეწველთა სიეზლი



1) მუშების დამზღვევ აგენტთა დამნიშნეს, ახლა კი ვეკილების შეგვრებ აგენტთა მაქციეს.

2) ვაფი მ არიგებს წამოგანაილ ვეკილ ბებეს. და თან უხსნის თუ ვის თეთრი მისცენ და ვის შავი, თან აჩვენებს ყუთზე.

3) ზღანოვიჩის ყუთი. მხოლოდ ხუთია შავი!!!



О. И. ШАХИД

მეჯლისი აკანების შემდეგ, „ადამიკრეს და სხვაგვარად სხვათაგან ააჩინეს.“



სწანდა. გერმანია და ინგლისიც ძლიერის სიფრთხილით იცადენ ამ საიდუმლოს.

მეზობელი სამეფოები გულმოდგინებით სთხოვდენ მოქიშვეებს:

— მხოლო უომრათ, მშვიდობიანათ გადასწყვიტეთ თქვენი სადაო კითხვა. ომი, ეს უდიდესი უსამართლობაა, ეს ნაშთია ადამიანთა ბარბაროსული ხანისა. კულტურულ სახელმწიფოს არ შეშვენის მოძმეთა სისხლის ღვრა, მეზობლის აოხრება.

ჩუმათ, გულში კეთილის მსურველნი ასე ჩურჩულობდენ:

— მშიშრები! თქვენა გგონიათ ესენი ომამდე მიიყვანენ საქმეს. ომი რა მხალეებისა და ქალაჩუნების საქმეა! ეს მხოლოდ იქორებიან მამლაყინწებსავე და სისხლის ღვრას ვერ გაბედავენ.

დაბოლოს საიდუმლოს ფარდა აეხადა. ერთმა ავსტრიულმა ჟურნალმა სარწმუნო წყაროებიდან გაიგო ყოველივე და დასწერა:

— „საზღვარი და მიუტევებელი საქმე ჩაიდინა გერმანიამ ინგლისის წინააღმდეგ. ერთ გერმანელ მწერალს ბირჟურტს ლონდონის სახალხო ბიბლიოთეკიდან მოუპარავს ცნობილი ინგლისელი მწერლის სტედ-ველოსიპედის მოთხრობა „შოლტების კონა“ და დაუბეჭდია თავისი სახელ-გვართ. შეურაცხყოფილმა ინგლისმა თავისი სამხედრო ფლოტი საომარ ფეხზე დააყენა და გერმანიის ნაპირებისაკენ გაისტუმრა. ელოდეთ ომს!..“

მეზობელ სახელმწიფოთა სამწუხაროთ საქმე მშვიდობიანათ გათავდა. შესდგა მხოლოდ დუელი ინგლის-გერმანიის წარმომადგენელთა შორის. ესროლეს ერთმანეთს, მაგრამ ააციდინეს და ამგვარათ საქმე უსისხლოთ გათავდა.

VI

სულ რაღაც სამი კვირა გავიდა ინგლის-გერმანიის შეტაკების შემდეგ და ჟურნალ „ხურდა“ სრულქტორისაგან მომივიდა ახალი წერილი. ის იწერებოდა:

„ძვირფასო იგოლიკინო!

თქვენი სახელი უკვე ცნობილი შეიქნა მთელს მოაზრე კაცობრიობაში. მაელი ქვეყანა თქვენზე ლაპარაკობს. ამ წერილთან ერთად გიგზავნი ნომერს იტალიანურ ჟურნალისას, სადაც ვცრელი წერილია თქვენს შესახებ. იმედია წაიკითხავთ. მხოლოდ ძლიერ ნუ გაამაყდებით!

თქვენი ხაპუგინი“.

მეც გავშალე ჟურნალი და წავეკითხე:

„მოგესჩენებათ, ამ მოკლე ხანში ვაცხარებული კამათი გამოიწვია მოთხრობამ „შოლტების კონა“. იმის შესახებ დიდი უთანხმოება მოუხდა საფრანგეთს ამერკასთან, გერმანიას საფრანგეთთან, ხოლო ინგლის-გერმანიას შორის კინაღამ სისხლი და სამკედრო-სასიცოცხლო შეტაკება გამოიწვია.

ახლა საბოლოოთ გამოირკვა, რომ აღნიშნული მოთხრობა პირველათ დაუწერია რუსების მწერალს, ბ-ნ იგოლიკინს, რომელიც ცხოვრობდა ქ. პეტერბურგში ორასი წლის წინათ ქრისტეს დაბადებამდე“.

— რა ვქნა, რამდენი წლისა ვარ მე! განცვიფრებით წამოვიძახე ამ სასიამოვნო წერილის შემდეგ.

მაგრამ ბევრი ფიქრის დრო აღარ იყო. დაუყოვნებლივ გავემართე ჟურნალ „ხურდას“ რედაქციისაკენ, რომ გონორარის მომატებაზე დროიანათ აღმეძრა ლაპარაკი.

ო. ლ. დორ.

პოეტის დღიურიდან.

13 მაისი. ოპ ღმერთო! სულ ეს ავდარი და წვიმა.

„ოპ ღმერთო ჩემო, სულ ავი დარი,

როდის გვედრსება, ჩვენ გამოდრება!

მთელი ქვეყანა ბუზებივით მეჩვენება. რისთვის ეცხოვრობთ ნეტავი? რისთვის ვიკლავთ თავებს? ნუთუ ასე უნაყოფოთ უნდა დავლიოთ ჩვენ ჩვენი დღენი?

18 მაისი. ოპ, ღმერთო ჩემო! ის კიდევ კერპობს. ჩემს ტანჯვას სულ მთლად არ უყურებს.

ისე ელავენ მისი თვალები,

ვითარცა როგორც ცეცხლის ალები.

მისი შავი თმა და ხუჭუჭები,

თავზე აყრია სულ მუქ-მუქები...

მისი თვალების უფსკრულში მე ნამდვილი ჯურღმულის სიღრმესა ვხედავ.

ტანს ისე არხვეს და იარება,

თითქო თვალთაგან სდის მღვდლარება...

19 მაისი. უსენდისო კაცია ეს ჩვენი მამასახლისი. თითქო ის არ ეყოფოდეს, რომ ხალხს ატყავებს, კდომ რომ მე ქორების ცილი არ დამწამოს. საიდგან გაიგო, თითქოს მე მღვდლობა მეთხუოს.

მე არ მსურს მღვდლობა

არც დიაკნობა,

ჩემი საქმეა მთლად პოეტობა.

მე მინდა გავხდე

ნათლის მებრძოლი,

რომელსაც რომა არ მყავდეს ტოლი.

სირცხვილი იმისი, ვინც კაცს ასე უსინდისო ქორებს შემოგახვევს თავზე.

21 მაისი. ჩემი ცხოვრების მიმდინარეობის მსვლელობა ძლიერ ცუდათ მიდის. არავითარი ნუგეში არსაიდან ზომიანს.



ვარ ჩემთვის ობლად  
 ქირთ მღვრელი ოფლად  
 ვიწირვი მსხვერპლად  
 ვითარცა ფერფლად.  
 მე. ი. მ. ს. წ. რ. ი. ა. ნ. ა. მ. გუშინ დი-  
 ლითვე ვუბასუხე. ეპეები მეზრდებიან. გულზე ბოლ-  
 მები მაწვებიან და სულთ მიხუთვიან  
 თუ ასე გასტანს ჩემი ყოფა  
 წუთისოფელი,  
 მე ყველაფერზე უთუოდ უნდა  
 ავიღო ხელი.

თორემ ასეთი სიცოცხლე რაღა სიცოცხლეა.  
**23 მაისი.** რაკი ის ასე ღარიბი იყო, მღვდელს  
 უთუოდ უნდა დაემარხა და დაეკრძალა უფულოთ.  
 ადამიანის გონებაზე კუბოსთან ვაქრობა მძიმე შოვ-  
 ლენას ახდენს. რა დიდი საქმეა იმისი დამარხვა!  
 ხომ არაფერი?

„როგორაც მკვდარი  
 კუბოშიგან ჩანადებარი,  
 სამარის პირად, საფლავთანა  
 ვიყავ მდებარი  
 და მოველოდი ოდეს მიწას  
 წამომაყრიდენ...  
 მუნ თვალნი ჩემნი აღჭურვილნი  
 ცრემლებს არ ღვრიდენ.  
 ვისაც როგორ მოეხალისება; ყველა კაცი სწო-  
 რეთ ისე უნდა დაიმარხოს. მე მძაგს ძალადობა!

**24 მაისი.** ოპ, ეს მომამბეზრებელი ქარები!  
 სულ ბერვენ და ბერვენ! იმათმა არ იციან არც მო-  
 სვენება, არც ძილი, არც ღვიძილი.

„ოპ, მინდა ვიქცე  
 მე ქარიშხალად,  
 რომ მოეუბერო  
 ქვეყანას მრავლად,  
 რომ შევენძობიო  
 ღრუბელნი მძრავლად  
 ცას მოვევლინო  
 ვითარცა მწყარალად  
 ბორბოტებისა  
 შესამუსრალად.

დღეს შვიდი ლექსი გავუგზავნე რედაქციას.  
 ყველა ზაკახნოით იყო, რომ არ დაკარგულიყო.  
 გამაგრდი გულმა! დღეს არა, ზეგ ხომ მაინც დამი-  
 ბეჭდავენ!

**26 მაისი.** სამი წელიწადი და 8 თვეა, რაც  
 მე ლექსებსა ვწერ. ჩემი აზრების გამოთქმა მოთ-  
 ხონილებათ გადაშეცა. ამდენი ხანია ვგზავნი,  
 ვგზავნი და ჯერ ერთიც... რას მივაწეროთ, რომ  
 კიდევ გული არ გამიტყდა? ჩემს სიმტკიცეს.

„ოპ გულო, გულო!  
 მტერთა ორგულო,  
 კვლავ ვითა კლდე ხარ,

შენ ერთი მყევხარ,  
 ვაგაკს, რომ გვეხარ,  
 ციხეს დამქცევ ხარ.  
 შენ გულს არ იტყვ,  
 ხარ ვითა სიბი,  
 სიმამაცისა  
 ნამდვილი ტიპი

მეტი სიმაგრე, ტანჯულო გულო, და სიმამაცე!  
**28 მაისი.** თავს ძლიერ ცუდათა ვგრძნობ. ვა-  
 ტყობ, რომ ორსამ საათში უნდა გამაცივოს. ოპ  
 ბუნების უკლუმაართობავ! ადამიანი ავით არასოდეს  
 არ უნდა ხდებოდეს. ჩვენ ისეთი ხან მოკლე სიცო-  
 ცხლის დღენი გვაქვს, რომ აქ ავითმოყოფობა კიდევ  
 დიდი უსამართლობა არის.

„როგორც ვერცხლის წყალს  
 ისე ჩვენ, საწყალს  
 ციების ალი ავვიტყვს კანკალს  
 და ვართ სიცხეში,  
 მთელს ჩვენსა დღეში  
 როგორც რომ ჰური  
 იყოს ფუ<sup>4</sup>ნეში.  
 ამდენი სენი  
 მტერია ჩვენი,  
 რომ მოგვიწამლოს  
 სიცოცხლის დღენი.

ყველაფერს საზღვარი უნდა ჰქონდეს თუ კა  
 ტი ხშირათ ავითმოყოფობს, მისი სიცოცხლე გასა  
 კირია.

**30 მაისი.** ოპ, ჩვენი სოფლის ფერწალი! ის  
 უსვენდისო, ისა! აბაზის წამალს ორ მანათად ყი-  
 დის. როგორ ატყავებენ საწყალ ხალხს!  
 ათასი მწერი, კოლო და ბუზი  
 ხალხს ახვევია, როგორც ალზი...  
 მას უნდა გული გაუფუტუროს  
 სიკვდილის ცელიც სულ მოაწყუროს.  
 P. S. ყ თ. ს მ ჩ. რ. კ! მე ვფიქრობ,  
 რომ...“

გაღმოდებულია ნაცარ-ქექის მიერ.

ნ ა დ ს ო ნ ი თ

ნუ, ნურვინ მეტყვეს ისა მოკვდაო!  
 არა, წინ მიდგას ვითა ცოცხალი ..  
 დეე, სამსხვერპლვე პირქვე დაემხოს,  
 კიდევ პრიადებს ზედ ცეცხლის ალი  
 დეე. მოისთლას უმანკო ვარდი,  
 ჯერ კიდევ ყვავის, აღარ ჩამქნარა!  
 დეე, დაიმსხვერეს ქნარი გრძნეული  
 აკორდი მოსთქვამს, ჯერ არ ჩამკვდარა!..

**ვ. მალაქიაშვილი.**



დ ვ ჰ კ მ კ ბ ი .

(ამხანაგ ეშმაკის)

**ბონი.** შესდგა ჯგუფი კარტისტებისა, ჯგუფში შედიან ექიმები, ვეჟილები, მასწავლებლები, სუდიელი, მწერალი და პრაიზორები. რიგ-რიგობით თავთაიანთი ოჯახებში თამაშობენ, ახალ წევრს მიიღებენ იმ შემთხვევაში, თუ ექნება სათამაშო არა ნაკლები ხუთი თუმნისა.

**ს. კუხი.** ექიმბაშა სამსონა ვაქარაძემ და შვილმა ჭიჭიკომ, გაილაშქრეს ქალთა სკოლის წინაღმდეგ, ავცელებენ ხმებს გლეხებში, რომ ქალებს რათ უნდა სწავლა, გარყენილებას ისწავლიანო და სხვა.

**ს. მალლაკი.** მასწავლებელ ბიბილეიშვილს ქების უსტარს უგზავნის ისპექტორი მაქნიკოვი იმი სთვის, რომ პირველ-დაწყებითი სკოლაში ბავშვებს მუნჯური მეთოდით კარგათ ასწავლის.

**იქიდანვე.** წერა-კითხვის მაღაზიისათვის ეძებენ კაცს, რომ იცოდეს კარგათ ბუჰვალტერია შემდეგ პირობებში. მაღაზია უნდა გაიღოს დილის 4 საათზე და უნდა დაკეტოს ღამის 1 საათ. და 40 წუთზე. აღრესი მასიკოვოს ქ. № 126.

**ს. მალლაკი.** ერთ კლასიან სკოლაში ოქონობას არღნების გამოფენა იყო.

(სამკერქლას საკენტი.)

**აბაშა.** იასონ გაბილაიამ ლექციის კითხვის დროს მარცხათ ენა კბილებით მოიკვეთა, რამაც ლაპარაკი ძალიან შეუშალა. ბევრს კიდევ დაეძინა.

**სამტრეღია.** შეექვსე დღეა, რაც კოწიას და მათეს კამათელი არ გაუგორებიათ.

**იქიდანვე.** მეოთხე დღეა რაც ილიკოს „არ გამაბახხო“ არავისთვის დაუძახნია.

**იქიდანვე.** აქაური მასწავლებლებისაგან შემდგარი ექსკურსია 24 ბავშვით გაემგზავრა ქუთაისს. დაბრუნდა 19 ბავშვით. წ-ს მასწავლებელს, 5 ბავშვი დაკარგვია.

**საჭილაო.** მაჩანის საზოგადოება დიდ მხადე-ბაშა: წ იენისს, ერთი წლან იუბილის უხდის მამა ისიდორე უვანიას. მოწვეულია კოწია ცომაია ლექციის წასაკითხავად ამ თემაზედ: „ისიდორე უვანია და მისნი საქმენი-საგმირონი.“

(მგზავრის საავენტო)

**ქუთაისი** (რკ. სადგური). ძლიერ გახშირდა კანტროლიორობა. ეხლა მის უფლებას „ПОМОЩНИК“ -ებსაც აძლევენ, მაგრამ აძლევენ ყველას კი არა, ისეთებს, რომლებიც „წაიდურშიშხანებენ.“ განსვენებული კუჭუხიძე აღსდგა უკვე და მთავარ „ლიონიას“ კანტროლიორობაც მიიღო. მან ბევრები წაახალისა. ქუთაისის „პომოშნიკ“ ვასილ რობაქიძეს დღე-ღამე მოსვენება არ აქვს. ეს ორიგინალური კან-

ტროლიოროი ცოლითურთ აკეთებს კონტროლს (ალბათ უნდა დაწინაურდეს.) 23 მაისს ვასილმა ვერ შენიშნა ერთი მგზავრი, სკამს ქვეშ შემძვრალი და ის იყო გადიოდა მეორე ვაგონში, ამ დროს მისმა მეუღლამ დაუყვირა „ვერიკა“-ო. მგზავრები შეკრთენ, მაგრამ აღმოჩნდა მართლა „ვერიკა“. უშველებელი ყაზანი გამოათრია სკამის ქვეშიდან კანტროლიოროშა რობაქიძისამ. „ЗАМІНИК“ -ის წესისამერ წარდგენილ იქნა, ალბათ, მალე ბავშვებსაც წამოიყვანებენ საკანტროლიოთ ჩვენი დროის კანტროლიორები.

**ფოთი** (რკ. სადგური). კანტროლიორობის საღერღელი ძლიერ აეშალა ბ-ნ ბიბალიშვილსაც, მაგრამ ის უფრო ორიგინალურათ ეწევა მას. დეკურონობის დროს სადგურზე დაექებენ, მაგრამ ის აღარსად სხანს. შეპდეგ ირკვევა, რომ ის პოეზდებშია. ამბობენ ბ-ნი ბიბალიშვილი ამ „ექსკურსიებით“ ძლიერ წინ წაიწევსო.

**რედუდკალე.** რედუდკალეს ქალაქის მამების დადგენილებით, თანახმად ყველა სამინისტროების მოწერილობისა ყოველგვარ შემოტანილ საქონელზე დაარსებულ იქნა 1/8 კ. საფუთო გადასახადი მგზავსად და თანახმად ნიკობურგელ გადასახადისა.

**იქიდანვე.** ტყუილია ბოროტ ენების მითქმა მოთქმა, თითქოს ეს გადასახადი ფარულად სწარმოებდეს და მამები ჯიბეებს ისქელებდენ. როგორ შეიძლება რედუტკალეს „მამებმა“ შეიმასქნან, იგიც ჩუმით დაწესებული საფუთო გადასახადი.

მგზავრი.

## მთის გადაღმისკენ.

(ღანტახია სურათებათ)

1

**1 მგზავრი.** აა აქ... აქით! ქვიდგან—ამ ქვაზე!..

ხედავ, კლდე როგორ ჩამონგრეულა?!  
ნიაღვარს ზვაგი ჩაუტანია,  
მიტომ ბილიკიც აქ მიღეულა.  
ჰაუ! რა ჯანყი დაჰკვრია ზღვასა...  
ნელა! უფროხილდი აქ გზას, მოლოპულს:  
„ყავარჯენს მაგრათ მოეკიდევო,  
არ გადიხებო ბობოქარს უფესკრულს.  
სულ რამდენიმე ნაბიჯს გავივლით:  
ზღვის პირს გავსცდებით, იქ—ბილიკია,  
უფრო თამამად ვივლით ჩვენ მაზედ,  
თუმცა საფრთხილო გზა ისიც კია.“

**2 მგზავრი.**—ეჰ, ქურციკივით შენ მიხტი წინა,  
მე კი ამდენი არ მაქვს შეძლება,  
აგერ ბილიკიც მთლად მიღეულა,  
მითხარ, როგორღა წამოისვლება?!



1 მგზ. რა სიქვი? შეძლება? სცადე!.. გაჰბედე!..  
 გარწმუნებ, რომ არ გაგიჭირდება...  
 ძალა მოჰყვება გაბედულებას,  
 შიშით კი, რაც გაქვს, ისიც მტორდება!  
 მაშ, ჰე, გაჰბედე!..

2 მგზ. არა... მე ვრჩები!  
 შენ კი განაგრძე გზა, წადი წინა!..  
 გესმის? ზღვამ ღრიალს უფრო უმატა,  
 ქარმაც საზარლათ დაიქვიითინა...  
 მშვიდობით! ვრჩები...!

1 მგზ. ბრუნდები კიდევ!  
 ემსგავსე კიბოს, ღმერთი ვაგიწყრა.  
 ნუ თუ სინდისმა აღარ გაგქენჯნა,  
 როდესაც გულმა ეგ გადაგიჭრა?!  
 წადი! იარე... მაგ „უკან სვლაში“  
 ჰპოე სიაშე და ნეტარება,  
 მე კი... ეჰ, შენთვის აღარ მკალიან...  
 მივდივარ და „წინ“ მიმექჩარება:  
 მთას გადავლახავ ჯაგარ აყრილსა!  
 ბილიკს, არჩეულს არ მოვეშვები  
 და რომ მთის მწვერვალს ფეხსა დავაბჯენ,  
 „მზის სამეფოსკენ“ გადავეშვები...  
 ჰაუ! რა ტკბილი წარმოგენაა...  
 მაშ, მხნედ! აძგერდი, გააკჟედი, გულო!  
 და იგუგუნე, ბანი უთხარი  
 ჩემს გულის ძგერას, ზღვაო, უბსკრულო!..

1 აჩრდილი. ჰეი! ვინ მოდის ამ უკუნეთში?  
 მთის ვიწრო ბილიკს ვინ მონდობია?  
 უკან დაბრუნდი, სანამ დრო არის!  
 მე ასე გირჩევ, შენთვის სჯობია...  
 დაბრუნდი, სუსტო ადამის ძეო!..

1 მგზ. ვინც სუსტი იყო, კიდევ დაბრუნდა:  
 ურცხვად მიჩენა მოხრილი ქედი,  
 ესროლა სინდისს ტალახის გუნდა,  
 მე კი წამოველ, მისთვის კი—არა,  
 რომ აქ ვუმუთლოო წმინდა განზრახვას,  
 ჩემი სურვილი ურყეველია:  
 „მზის სამეფოსა“ ვისწრაფი ნახვას!  
 მინდა, რომ „შვების ყვავილს“ დავყნოსო,  
 სალამი მივსცე „ხეს ცხოვრებისას“  
 და დავეწაფო მგზნებარე გულით  
 „წყაროს ჩუხჩუხას უკვდავებისას“!..

1 აჩრდილ შენ თავხედი ხარ, ან ბრიყვი ვინმე!  
 გაუტაცნიხარ გიჟურ ოცნებას:  
 მთას იქით რაღაც სამეფოს ეძებ  
 და ეწირები ამაო მცნებას;  
 იქ მაგის მსგავსიც არაფერია...  
 და თუნდაც იყვეს! შენთვის ერთია  
 იმ ადგილამდის ვერც კი მიადწევი:  
 ეს გზა, სიძნელით, ჯოჯოხეთია!..

1 მგზ გზისა სიძნელით ტყვილად მაშინებ,  
 უიმედობით ამაოდ მაკრობ,

მსაკვრული გიღევს აღბათ განზრახვა,  
 რომ წინმსკვრეტელობ და ენაფართობ.  
 უკან დაბრუნდე?! ან კი რად მირჩევ.  
 როს გამოვექეც იქაურობას  
 და შევეუდექი თავგანწირულათ  
 ამ სახიფათო მოგზაურობას?  
 დაბრკოლებები გზის მოსაქრელოდ  
 თუ წინაღმიდგნენ, მეც ეს მწადია:  
 იმათთან ბრძოლას შეჩვეული ვარ  
 და კვლავაც შევსძლებ, დამიქადია!..

ხორო. ჩვენ მთის ფოცხვერთ გვეძახიან,  
 კბილები გვაქვს აღმასისა...  
 ვაჰ, თუ ვისმე იმედი აქვს  
 თავის თავის ჩვენგან ხსნისა!  
 ჩვენ კაყებს ვხრავთ ჩვენის კბილით,  
 ფოლადს ვლოღნით, როცა გვწოია:  
 რაც მეტ მაგარს მოინელბ  
 ვაჟკაცობაც იმაშია!  
 თუ მგზავრს ვისმე წავაწყდებით,  
 მთისკენ მავალს, გაბედულსა,  
 ხელათ ალყას შემოვარტყამთ  
 და დავუფლეთთ მყისვე გულსა!  
 ჩვენ მთის ფოცხვერთ გვეძახიან,  
 კბილები გვაქვს აღმასისა...  
 ვაჰ, თუ ვისმე იმედი აქვს  
 თავის თავის ჩვენგან ხსნისა!..

1 აჩრდ. ხომ გაიგონე შენ ის სიმღერა?  
 ეგ მთის ფოცხვერნი ღზინს ეწვიან!  
 თუ შეგამჩნიეს, ხომ დიღუპე  
 შეუბრალებლათ მოგსვევიან.

1 მგზ. ხმალი თანა მაქვს, ჩემი ძმობილი,  
 ხანჯალიც, ორპირ აღმასის კბილა:  
 არა ერთს მწარეთ დაუკნენსია,  
 ვის თავზეც იგი კი ამოწვდილა!  
 თვით არ მივდივარ მოსისხლეთ მტერზე,  
 მაგრამ მომხედურსა კი მეც ვუხვდები:  
 ან მოვიწვებ, ვით დაბრკოლებას,  
 ან ვაჟკაცურად ზედ შევაკვდები!  
 დე, მთის ფოცხვერნი შემომესიონ,  
 აღმასის კბილნი აახრკილონ!  
 ენახოთ, თუ იმათ ასეთი ქცევით  
 ვისი სიცოცხლე გაატიალონ?!..

...ბრძოლა გაჩაღდა: ხმალმა იელვა,  
 მასთან ხანჯალმაც იწყო პრიალი:  
 დაეცა ერთი, ორი... უორცხვი...  
 ისმის სულთმობრძავე მხეტთა ხრიალი...  
 თავდება ომი საგამარჯვებო  
 მგზავრმა შეტევის დასცა ყიჟინა!..  
 გასწმინდა ხმალი, წითლად ნალები,  
 ჩაიგო და მხნეთ გასწია წინა.  
 მღერა დაიწყო გამარჯვებულმა,



შეახმაურა მთის უბეები:  
იქტენ ხმამალ დამახილებათ  
მგზავრის სიმღერით დანატყევები..

2 მგზ. ჩუ! ნაკადულმა გადიკისკისა  
უქმები, ცვლქი, ცივი სიცილით,  
აღბაო, ეხუმრა თავის საღ ნაპირს,  
ან ქვას გაეკრა აღმასის კბილით.  
გიჟი! იმისთვის სულ ერთი არის  
დღე ავ-ტაროსი, ანუ მხიანი!  
მირბის, მიცვლქობს თავის ორწოხში,  
დაუღალავი ხალისიანი...  
იოლიც არის განა მისი გზა!  
ჩემს ეკლიან გზას არ ედარება,  
სადაც, თუ ოფლით არ მოასველე,  
არ შეგიძლია წინ გზის გარება.  
ის დაღმართისკენ ლაღათ მიხტუნავს,  
მე კი მთის აღმართს მკერდით ვაწევი,  
სადაც, სხვა დაბრკოლებასთან  
გზად უნდა ჰკაფო ეკლის ქაცვები:  
მათ მსხვილ ძირთ უნდა აუშარჯვო ცელი,  
ოფლი წურწურით დაგედინება...  
ეჰ, ნაკადულო! მე აქა ვწვალობ,  
შენ კი უღარდოთ იქ გეკინება:

შესტრფი, შეჰხარი შენს ვიწრო ორწოხს,  
შენის ლიკოკით მუღამ ხმინასა,  
და რომ სხვა და სხვა გზა გვაქვს მე და შენ,  
ფიქრსა აღმიძრავ კაეშინასა!..

სმა. „მთის ხელმწიფის მსახური ვარ,  
მძღვეთა მძღვეი ბაყათარი  
და წიადში ამ შავი მთის  
ჩემი გული ლაღათ არი:  
ლუქმათ მყოფნის თითო დათვი,  
თითო ხელიკი შექამანდათ;  
მსუქან მუცელს ვიურავებ,  
გადვიქცი სულმთლად მაღათ!  
სულ ეგ საზრდო ერთნაირი  
არის თუმცა მოსაწყენი,  
მაგრამ აბა რას ვააწყობ,  
შემშილით პირ ანაფჩენი?!

ვენაცვალე მე მთის ბილიკს!  
ზოგჯერ საქმელს ის მისხვავებს,  
თორემ მთაში მე, დათვის მეტს,  
აბა, ვინ—რას მამაქვავებს?!

მართალია: ხელიკებს ხშირად  
შეგსცვლი ხოლმე მთის ბუეებით,  
საგანგებო ბადით ვიჭერ  
მოჩვევით და მოტყუებით,

მხოლოდ დათვი... სულ დათვები...  
ბრრი!.. ქონი აქვთ ერთობ მყრალი...  
ჩუ! მთის ბილიკს ვინ მოიწმენდ?  
ვინ ხარ აქეთ მომავლი?!

ნ. ზამღვთელიძე.

(შემდგვი იქნება)

კუდიანი დავაშვები გურიიდან.

(ვაი—უნს სააგენტო)

ოზურგეთი. ....ორი მისის წინადლით და-  
ატუსალეს შემდგვი ალა ვაქარ—ხელოსნები: გი-  
ორგი კუკუ, ბესა ცერცვა, ნოე კუბრივით ნა-  
თელი (იგი ქამა) კოწია ჯვარასია გრიგორ თე-  
ნია, პავლე პატრი, იაგორ კუკი გიგლო გე-  
დენი, ივანე გიგოტა თეოფილე გიორგა და სხვე-  
ბი ჯერ არც ერთი არ გაუნთავისუფლებიათ—აბ-  
რალეზენ პირველ მისს ნოქარ შეგირდების სამუ-  
შაოდგან განთავისუფლება: „წადით შეიღებო და-  
ისვენეთ უწინ თუ თქვენი დრო იყო ეხლა ჩვენიაო.“  
საზოგადოება და მეტადრე ნოქარ შეგირდები დი-  
დათ დაღონებულნი არიან მათი ალა პატრონების ტყვე-  
ობით, რადგან ისინი ცნობილნი იყვნენ როგორც  
ზრდილნი ლმობიერი და კეთილი „ხაზენები.“ სა-  
წყალი ნოქრები უშათათ სიმშილს განიცდიან.

სოფ. გომი. გაჩხრიკეს მათე გარაყანიძე და  
პახუმ ლლონტი უზოვენეს ერთგვარი სია რისთვისაც  
წარდგენილ იქნენ...

სოფ- ხვარბეთი. ნესტორ თოიძემ აღმოაჩინა  
ერთ ფაცხაში კაკვზე დაკიდული არსენალი აღმო-  
ჩნდა უჩანხაზო ფილითა — ამაო მოყვა მთელი  
სოფლის საერთო გაიმასქნა. ნესტორმა განაცხადა  
მიკიტანმა ივანე ლომა მიღალატაო.

სოფ. ლიხაური. მახრის უფროსმა პლატონ  
ატრისე სალუქვაძეს სამადლობელი ადრესი გაუგზავნა.

შუბანი. (ერკეთის საზ.) კუროპატკინი იესე  
მდივანი და თინათინებრ ნაკეკლუკევი მართა შეუ-  
დგნენ სასოფლო გზის კეთებას, ბუოლიეთში მათი  
წყალობით მდ. გობაზეულზე კეთდება ცეპეტის ხიდი

ს. ნიგოთი. კონსტანტინე ნასრია ინიშნება  
კავკასიის სამოსწავლო ოლქის სამეურნეო (Хозяй-  
ственный) ნაწილის გამგეთ.

— ლანჩუთა: სოფელ შუხუთში შესდგება სა-  
ინტერესო ქიდაობა—ნიგოთილუების მხრით ფლაგ-  
ნათ გამოდის კაპიტანი ტიტე—შუხუთის მხრით  
უცნობი „ორ სოფელი.“ ასისენტათ მოწვეულია  
პირველის მხრით, კოწია თუმანიშენლი მეორეს  
მხრით კოწია ქანი ქიდაობამ უნდა გადასწყვიტოს  
სად აშენდეს „მარინკი“ სასწავლებელი.

სუფსა. კნიაზ ვანო დავითისძე გურიელმა გა-  
დასწყვიტა მეოთხე სათათბირო არჩევნებზე წამოა-  
ყენოს თავისი სადებუტატო კანდიდატურა.

ოზურგეთი.— პლატონ ბერიძე და ყველა ნა-  
პრისტავალი პენსიონერები ქალაქის თავობაზე კა-  
ტეგორიულ უარს აცხადებენ.

გურიი. (საერთოთ)

მივალთ ბახმაროს  
ვეძებთ საქმაროს.



# სანაგვე გამოცემანი.

(ბიბლიოგრაფიის მაგიერი)

ზოგიერთა სანაგვე პოეტ-მგონები, სანაგვე-მაინც ამშვენებენ; მათთვის სანაგვე მაინც არ გენანება. ეგვევ არ ითქმის ზოგიერთა გამოცემის შესახებ—ხშირია ისეთი გამოცემა, რომლისთვისაც სანაგვე გენანება, რა არის თავის უწმინდურებით სანაგვე არ წაბილწოსო, ასეთია სხვათაშორის ახალთ ახალი 300 გვერდზე — წიგნი „**ეფრემ-ვერდი**“, „რომელშიაც მოთავსებულია ვარსკვლავთმრიცხველობა, მოსწავებანი სამუდამო წლების შესახებ, ნამდვილი ეტლის გაგება ადამიანისა, ძველ ფილოსოფოსთაგან თქმული კარგი და საშავალითო სიტყვანი, უებარი წამლეულობა, ასოთ თამაშობა, სიზმრის ახსნა და სხვა მრავალი ამისთანები.“

„ძველ სომხურიდგან ნათარგმნი დამატებით, დასურათებითა, მხატვარი გრიგორიანცისა, გამოცემული მიხილ ანდრეას ძე ზარიძისა, № 70, ფასი 1 p. 50 K. კაპ.“

რაც ზევით მოვიხსენეთ სიტყვა-სიტყვით, ამ ძვირფას წიგნიდგან არის გადმოწერილი უმეტ-ნაკლებით შეიძლება ვინმეს ფასი 1 p. 50 K. დიდათ მოეჩვენოს, მაგრამ უსამართლობა იქნება—ფსუსი არ არის მანეთ ნახევრათ ამდენი ცოდნა-მეცნიერება შეიძინო და ასე მკირე ფასი დაგენანოს? ეს, მახლას! თათრები იტყვიან: „ფლავი ვის უდგას და იშტა ვის აქესო!?“

რამდენი ხალხის სასარგებლო წიგნი ვერ პოულაბს გამოცემელს, ამავე დროს იბეჭდება სურათებით ასეთი ყოველ ღირსებას მოკლებული წიგნი. რა გინდა, რომ ამ წიგნში არ იყოს—ყველაფერია შიგ, მაგრამ ყველაფერი უტიფარი, ტვინ ნაღობის ადამიანის (თუ შეიძლება ასეთ მატყუარას ადამიანი უწოდოთ) შერყეული გონების ნაწარმოებია, საგვე სიბინძურით და ცრუმორწმუნეობით. უტევათ ჩვენი აზრი და ავალადღუროთ თვით წიგნი, მოვიყვანოთ სანიმუშოთ ისეთი ადგილები, რომლისთვისაც მკითხველთან წინდაწინ უნდა მოვიხადოთ ბოდიში. რა ვქნათ, თუ მკითხველს არ დაეხარება 1 p. 50 K. გადაგდება, იქ უფრო ხალას მარგალიტებს ნახავს. ავიდოთ სამკურნალო განყოფილება, „უებარი წამლეულობა“. (გვერდი 261).

1) „ყოფიანი ძალის ნაკბენზედ თუთის ფოთოლი დანაყეთ და დაადეთ, მორჩება“. (აფსუს პასტეროო!?)

2) „ვისაც სურს ხანგრძლივი სიცოცხლე და ჯანის მრთელობა, იმან უნდა ყოველ დღით თვითო მუქა შარდი დალიოს თავისი ან სხვისი ბავშვისა. ამისი საარგებლობა დაუფასებელია“. (უბედური ბროუნსე კარი!?)

3) ბუასილი. „აქლემის შარდი სამჯერ უზმოზედ დალიე და მოგიჩრება სრულიად“.

„ბალნისათვის. ყვავის ქონი საცაცხო, თავის ღღეში ბალანი აღარ ამოვა. მტრედის ნაღველა საცა სცხო, აღარ ამოვა, ძალლის რძე საცა სცხო, აღარ ამოვა, თხის ნაღველი ნიშადურით საცა სცხო, აღარ ამოვა“. კატის ფნთი დანაყული და ძმარში გარეული სადაცა სცხო, ბალანი აღარ ამოვა“ და სხვები..

სიზმრის ახსნა დანიელ წინასწარმეტყველისა. ასე წარმოიდგინეთ, დანიელის დროს ბულკი და ბაშაკებიც სცოდნიან და ჩვენ ეგ არ ვიცოდით.

1) „იარალის ხმარება ჩხუბისა და აღიაქოთის ნიშანია.“

„ინდოური კარგია. კაცის მოკვლა მწუხარებაა. კოცნა მკედრის ძალიან ცუდია. შენობის აშენება კარგია, ოჯახის ბედნიერებაა. ჩამოვარდნა ძალიან ცუდია.“ და სხვა მრავალი; სიზმრის ახსნას უქერია 25 გვერდი.

„სასარგებლო და გამოსაყენებელი თქმულებანი გამოქმნილ ძველ ბრძენთა: ოთხი რამით იცლება კაცი ქონებითა: ცეცხლითა, გაცარცვითა, ნიაღვართა და სეტყვითა.“

ოთხი რამეა უსარგებლო და მავნებელი: ცოლთან წოლა უშვილო კაცისა, ფიქრი სიძულელისა, ფიქრი სიყვარულისა, შური გულის გამკვეთი.“


„ოთხი რამეა დაუბრუნებელი: ქალწულობა, სიცოცხლე დაღუეული, სახელის გატეხა, ასოს მოქრა.“

„ოთხგვარი პოზობა არის საყოველთაო: პირველი შეყარებითა, მეორე მეტად გახურვებითა, მესამე ინტერესითა, მეოთხე სახელის გავრცელებითა.,,

ასეთი „ოთხგვარი“ სიბრძნე ფილოსოფიას 30 გვერდამდე ადგილი აქვს დათმობილი. ერთი სიტყვით, ვისაც გნებავს იყოთ ყველაფრით სრულად, განვითარდეთ მეცნიერების ყველა დარგში, ნუ დაიხარებთ, იყიდეთ „**ეფრემ-ვერდი**“ ღკადააკარგალეთ თავიდან ბოლომდე და იქნებით ისეთი სრული, როგორც არას მხატვარი გრიგორიანცი და მოწაფე მისი მახილ ანდრეიჩი ზარიძე.

ანწლამე.

\* ) ეს რომ მართალი არ იყოს, ვ. გუნაის უღვაში ექნებოდა!





# გურული სცენა.

(ვიბრძნი??)

I

— ციკავ, ციკავ, ცინცალი შეგეყარა და იმან გაგაცხებია სული, გოგო, გოგო, შე ბროგო შესაყარო, მელინკიაე შე გასაცულებლო საკულმუხეთში დეიკარგე, თი არ მოგყვანა დედაშვილთის გამჩენმა ღმერთმა. მელინკიააე გელინკიააე გამეიარე შე შეჩვენებულა გამეიარე დედო ქვესკნელი გეიარე ვინც აქ არ იყარებ!

— მუალ, ნენა, მუალ!

— თი შენი ხმაი არ გეგონა აფერმა სულიერმა შე სარამიტელო შე დეხ გასაცხებელო შინ მოსლას დაღამებას და გათენებას ძროხაც კი რიხთება ღ შენ რა ღმერთი გაგიწყრა რა შენმა ცოდვამ შეგაძულა თჯახი, პაწეი ხომ აღარ გოინია შენი თავი კასხელა დუნდრუცი ხარ; დეიხედე ძუძუებზე შე ღვოს პირიდვან გადავარდნილო შენველა რომ ვიყავ დანიშნული ვიყავი აბძანი ვიცილი დაბძანი, სახლი და კარი მტერი და მოყვარე შენ ვისი ცოდვა გეწია რომ არ ვიცი?

— რა იყო ნენა ამომდალაგე წყველით მაღლობა ღმერთს რომ არ კვეთს შენი წყველა თვარა ამდენხანს ამ მუხურში მე კი არა ქეი ქვაზე არ იქნებოდა?

— რაე რა იყო ნენა, შვილო, პაწეი კი აღარ ხარ გასათხვარი ქალი შეიქენი რაეც შეგიძლია თჯახს რაცხა შენც ვნდა დაჩდე—ღმერთმა იბრინა და არ შეიძულა მისი გჩენილი ქვეყანა რაეც იქნა გამეიმეტა და წვიმა გვადირსა, თჯახი ერთ დღეს დეიფეგბა და ერთ დღეს აშენდება, მისის წვიმას ქრისტანი რაეც დაკარგავს რგვის დროია დედო მიწის გული ახლაა გაბზალი გადიარე მეზობლებისას ზოგს კეერაის ნერგი გამართვი ზოგს პატრიანის, პრასის, ზაფრანის და ქინდარის, ჩემსას რომ იყო თითო ჭეირთი წვილეს, ყველას ვახვედრე არე კაცი გამიწბილებია და ჩვენ რენა უნდა დაგვიკავონ.

— კი ნენა ყველას ჩამეიარ!

— ხო შვილო ხელანი კლათი წვიდე და ფურცელ-გადააფარე ზეიდვან მხეს ნუ დაახედვებ.

II

— ამას რას ხედავს ჩემი თვალები ხელ ცარიელი მოდი გოგო, რაეც ცარიელი მოიტანე კლათი??

— რაეც რა შექნა ნენა, მე ვერ ჩავწობოდი შით და სხვაი ვეფერი ვიშონე—ყველაი მეზობლები მათხოუარსავით ჩამეი ვიარე, მარა ყველამ გამაწბილა?

— რაიო მაინც მიხეზი რა გიძნებ?

— რაი და სოფლური პოტი—ვიბრძნითო! მატამ მიოხრა დღეს სკამა ყარა და ვეფერს გავცემო იგი არა ქინციკი დამატეებია, კესარიამ მიოხრა დედა შენს ბაღის ნერგიხა კი არა სკლი რომ მიხოვოს რაეც დუუკაეებ მარა ღორმა გოტები ქნა და ვეფერს გავცემ ვიბრძნითო!

— თი ღორის რჯულზე იარა!

— ზეზამ დღესო ღომის კეკალი გევიყვანთ თვარა რა უნდა იკოსო, მაკრინემ მიოხრა ძალიან მომერიდება ძალიან მომეხატრება, მარა შენც ქე იცი ერთი ღერი ბაღანი მყავს და იმის შევაძალი მომივიდა დღეს რამეის გაცემა გლახათ მაქ დაცდილო. ასე ხელ ცარიელი ქე გამომიშვებს.

— ვთი ღმერთი აფერ სიკეთეს არ აღირსებს არც ერთს, მოდი ახლა და იცხოვრე ამფერ ყრუ მეზობლებში მე რა ქვეყნის აბდალაი მნახეს ვითამ თუ ვინმეს რამეიხა მუცდეს ფეხი არე კაცს აფერი მისცე დღეს მოგვა ამუაპურე და ვიბრძნი თქვა. აბა რაი, იგინი კვიანი და შე აბდალაი ვერ მივართვი სწორები!

პიტნა.

# გზა და გზა.\*

(მ.საღები საქართველოს ისტორიიდან)

არსად, მთელს ქვეყანაზე ასეთი კუთხე არ შემხვედრია: უზარ-მაზარი მთები და მინდვრები, ზღვები და მდინარეები.

იციის ქარი და წვიმები, თოვლი და სეტყვა, ქურდობა და ეგზეკუციები.

ცხოვრებენ უმთავრეს ნაწილათ თავადები და პოეტები; ადგილ-მამული თავადებს ეკუთვნის, ხოლო პაერი კი პოეტებს.

თავადებსა აქვთ ბანკები და ლუქნები, სადაც უმთავრესად ატარებენ დროს.

აქვე ცხოვრობენ აგრეთვე მღვდლები და გლეხები. მღვდლები, რომლებიც გრძელი წვერითა და ფართე სახელოებით განირჩევიან სხვა ტომებისაგან არიან დანიშნულნი გლეხების დასამარხავათ. ამ საქმეში ისინი კარგა ბლომათ ფულს იღებენ და გვარიანდაც ცხოვრობენ. მღვდლებს ყავთ ცოლები და მრავალი შვილები. ცხოვრობენ ხანგრძლივით.

გლეხების დანიშნულება უფრო მარტივია. იმათი საქმეა ადგილის დამუშავება, გადასახადის გაღება, გზების კეთება, ქრთამების ძლევა, ეგზეკუციის შენახვა და სხ.

სწავლა-აღზღის საქმე უკიდურესათ განვითარებულია. მღვდლები სწავლობენ ხუცურ ენაზე, თავადები კი მხედრულზე. გლეხებისათვის სწავლა საჭიროთ არ არის მიჩნეული, ხოლო პოეტები თითონ ასწავლიან სხვებს.

ეკონომიური კეთილ-დღეობა საქართველოს მკვიდრთა ერთობ ცვალებადია. ძველიდან თურმე თავადები იყვენ უფრო მდიდრები შემდეგ მღვდლები და ახლა კი ყველანი დაღარიბდენ.

გლეხები არასოდეს არ ყოფილან კარგს მდგომარეობაში და პოეტებიც აგრეთვე.

სახელმწიფოს სასარგებლოთ მღვდლები იხდიან ლოცვას, თავადები ქულს, პოეტები მარკის ფულს, ხოლო გლეხები საკუთარ რკავს.

ძველს დროში ეს სახელმწიფო დამოუკიდებელი ყოფილა გარეშე მეზობელთაგან... სახელი „საქართველო“ წარმოსდგება „მარცხელობისაგან.“

უმთავრესი ქალაქი საქართველოსი ქუთაისია. ქუთაისი ყველაფრით საყურადღებოა და სამავალითო. მას ბლომათ ასხია როგორც მღვდელი, აგრეთვე თავადი და პოეტი.

ქუჩებში დარში მტვერი იციის, ავღარში ტლახი, ხოლო სხვა დროს ქარი. ეს ქარი ძლიერ აწუხებს პოეტებს.

\* ეს საუბროვო ნაწყვეტი, ბუშმენთა მეცნიერის ფხაკუნის წერილისა შემთხვევით ჩაგვივარდა ხელში და ვინკართ გამოქვეყნებას.



აქაური თავადები ხშირათ მართავენ არჩევნებს, ირჩევენ წინამძღოლებს, როგორც ჩვენს ქვეყანაში ბიზონებმა და სპილოებმა იციან ხოლმე.

წინამძღოლი უთუოდ უნდა იყოს ზორბა ტანი-სა, ანუ როგორც ქართველები იტყვიან — „ახოვანი“ დიდი ღონის პატრონი; კარგათ უნდა ხმარობდეს ხმალ-ხანჯალსა და აგრეთვე მუშტებსაც. ზოგჯერ, არჩევნების დროს, მასპინძლობასაც აქცევენ ყურადღებას, მაგრამ მოუდგომლობას და ფაქიზობას ანუ სწავლა მეცნიერებას არასოდეს.

აქვე არსებობს შავი ქვის მალაროები. ეს ჩინებული საზამთრო ადგილია. შავ საქმეს გლეხები აკეთებენ, ხოლო თეთრს თავადები და ვაჭრები იღებენ.

მთელ სატახტო ქალაქში მხოლოდ ერთად ერთი მდინარე ჩამოდის, რომელიც სასმელათ ვარგამას ეძახიან „ლალიძის წყალს.“

ამ წინაზე ორ წინამძღოლის თავადებისას მოსვლიათ....“

სამწუხაროთ, სრულიად მოულოდნელად სწყდება აქ ეს საინტერესო მიმოხილვა. ვინ იცის, რამდენ რას აღნიშნავდა ბ-ნი ფხა-კუ-ნი.“

**ეშმაკი.**

**ქ ა რ ა დ ა.**

გაქვევდეს ჩემი ენაი,  
ვერ აბრუნებდეს წვეროსა,  
საქირო დროზე შარადა  
თუ-კი არ მოვიძღეროსა,  
თუ შეეზაროს ეგ საქმე,  
გაჯავრდეს, განიბეროსა,  
თუ გლოვა იწყოს, დადუმდეს  
შავები შეიკეროსა.

ისტორიული ვინმეა,  
ქართველთა მეფე, მმართველი,  
შორეულ დროთა მოწამე  
ქირთა მრავალთა მნახველი,  
საშარადლის სიტყვისა  
ამ ჭამად გამომნახველი  
„მართალი“ იყო იმ მეფის  
ვგონებ ზედ-მეტი სახელი.  
ვინც ისტორია არ იცის,  
ვინც კოჭლობს ამა დარგშია,  
ვინც ქართველობას ტრახახობს  
მართოდენ ლაპარაკშია,  
ვინაც ვერ არჩევს ფშავ-ხევსურის  
ინგლისელსა და ფრანგშია,  
იმან ვერა სცნოს ეგ მეფე,  
ჩაჯარდეს ფათერაკშია.  
ვინაც სცნო, ეგე სახელი,  
არ დარჩა განაწილები,

სიანს გამოცდილი ყოფილა  
ნამოსევ-ჯანაშვილები,  
იშვიათ მწიგნობარობით  
გაქვდენთილ განსწავლილები,  
მას შარადისა ცნობაში  
ნურავინ შეეცილები.

ახლა განაგრძეთ ისევე  
კვლევა და გამოძიება,  
თორემ, ვაცხადებ სიუქმე  
არავის ეპატიება:  
ქვეყნისა არის ნაწილი,  
პირველათ იხსენიება,  
გეოგრაფია ვინც იცის  
დიდი არ უნდა ძიება.

თვალ-უწვდენილი მხარეა,  
მთა-გორით დაფენილები,  
ურიცხვი ხალხი ასხია,  
(ყვითელ-ყვითელი შვილები)  
ათასის ზღვებით, მდინარით  
დაღარულ დასერილები...  
აღბათ, გსმენიათ თქვენ მასზე  
მრავალი დაწერილები.

მოაკლდეს უნდა (უთუოდ)  
პირველი ასო ხმოვანი,  
(არცა ძნელია სასაქმო,  
არც მცირე მნიშვნელოვანი,) მას  
მოახებრხებს ყოველი  
სუსტი, თუ მცირე-წლოვანი,  
რამეთუ არა სჭირია  
სწავლა და გამოკლოვანი.  
წამოაკერეთ პირველსა  
მეორე სიტყვის ნაჭერი,  
და უკებ მახე გამოვა  
ჩინოვნიკების საქერი.  
კაცებისაგან შესდგება  
არ არის ნაჭედ-ნაკერი  
რომ ბაქი-ბუქობს, იმდენი  
საქმე გამოდის აფერი.

ინტენდანტები ებმიან  
იმამი პირველ ყოვლისა,  
(თავი რო ეგულოვბოდათ  
უსპეტაკესი თოვლისა,) რკინის-გზის  
მოხელოვები ხაზინის  
გამომწოვლისა, სხვა და სხვა  
დარგის ვირთხები მსურველნი  
კუქთა მოვლისა.

ამ ბოლო ხანში გახშირდა,  
ძველთაგან მინავიწყები  
დღესაც მოუჩანს „მუგუწლით“  
მას ზურგი შენაფიცხები,  
მოსაჩვენებლათ აგებენ  
ერთობის დანასიცხები  
თვით დანასქერნი, სათოკე  
და მრჩობლად ვასაკიცხები.

კოლო.



ინგლისში.



ინგლისის ლორდები გერმანიის სახით აფრო-  
ხობენ გულუბრყვილო მოქალაქეებს, რომ შემდეგ  
თავისუფლად გაძარცვონ ისინი.

გერმანიაში.



გერმანელი იუნკრები ინგლისის საფრთხით აშინებენ  
გერმანელ მოქალაქეებს, რომ შემდეგ თავისუფლად  
გაძარცვონ ისინი.



# თ ე ა ტ რ ა შ ი .

(ლეონიდ ანდრეევი ს\*)

ერთხელ, ხალხით სავსე თეატრში, განსაცვიფრებელ მოვლენას შევესწარ. წარმოდგენის დროს ვილაკამ არ ვიცი ტაში დაუკრა, არ ვიცი მოწონების ვაშა დაიძახა, არ ვიცი დაუსტვინა,—ერთის სიტყვით მშვიდობიანობა დაარღვია.

— ჩუმათ! დაუძახა მას მისმა მეზობელმა, რომელიც ალბად გატაცებით უსმენდა მსახიობს.— დასწყევლოს ღმერთმა, აღარაფერს გაგაგონებენ კაცს.

— დაწყნარდებით თუ არა, ეი! დაუყვირა ვილაკამ მეორე მოლაპარაკეს.— თუ თეატრში თავის დაქერა არ იცით, რატომ მოდიხართ, უშლით საზოგადოებას.

— რა სისულელეა ნეტავი! დაუყვირა მეოთხემ მესამე მოსაუბრეს.— სრულებით აღარაფერი ისმის! ნუ თუ არა გრცხვენიათ!

— აღარ ჩაიკმენდო ხმას! დაიძახა მეათემ.

— მოეღება თუ არა ბოლო ამ სისაძაგლეს! დაიგუგუნა მეხუთემეტემ.

— სიჩუმე! სიწყნარე! სიჩუმე! მოისმოდა ყველი კუთხიდან, ვიდრე მთელი თეატრი არ ახმაურდა და ცალკე პირთა უსიამოვნო გამოძახილი ერთ ხმად არ შეერთდა.

ყველას სიწყნარე უნდოდა, სწორეთ იმისთვის ყვიროდა და გასაოცარი ის იყო, რომ ამით სიწყნარე სულაც არ მყარდებოდა. პირიქით, რაც უფრო მეტად სურდათ სიწყნარე, მით უფრო ნაკლები რჩებოდა ის და დასასრულ, როცა სხვების მოთხოვნილებას ჩემი ხმაც შევეუერთე და დავიძახე: „ჩუმათ სიწყნარე“ მეთქი, დავრწმუნდი, რომ მე აღარავინ მისმენდა და თავს კი დამყვიროდენ:

— აღარ დააწყნარებთ მაგ ხახას, რა გაღრიობებს... ქ.

\*) ეს პატარა მოთხრობა, თითქმის ქართული თეატრისათვის არის დაწერილი.

## ნიკობურები (მკვლავთ ფოთი.)

(რეჟისორი: შაჰიერ.)

ნიკობურელებს „მოქნარების“ ხალხს გვეძახიან, მაგრამ ეს შემცდარია. ჩვენ ხშირად ვმოღვაწეობთ და მოღვაწეობა ჩვენი მრავალ-ფეროვანია. ამ ჟამით მკითხველის ყურადღება გვინდა აქაურ ერთი დარგის მოღვაწეებს მივაპყროთ. ეგ ვახლავთ სცენის მოყვარენი. სწორეთ გითხრათ კარგი ხანია, რაც ჩვენ სცენაზე არა გათამაშებულა—რა, ე. ი. ჩვენ სცენაზე ჩვენი სცენის მოყვარენი არ გვინახავს. ალბათ, ჩვენი მოწყენილება იკრძნეს სცენის მოყვა-

რეგებმა და 30 მაისს გაგვაბედნიერეს. დადგმულ იქნა დრამა „და-ძმა“. არ იფიქროთ ჩვენი სცენის მოყვარენი „უბრალოები“ იყვნენ. ისინი თუ დრამატურლები არა, მოდრამატურლო ხალხი მაინცაა. თუ სცენაზე არა, სცენამდე გაითამაშებენ დრამას. ჰო, და როგორ არ დავინტერესდებოდი 30 მაისის, წარმოდგენით. ცოტა ადრე მივედი. კულისებში ისტერიული კენესა მომესმა. ერთი ვინმე გულ-ამომჯღარი სტიროდა: „დამღუპა ანტონმა, ამოაგდო ჩემი ოჯახი, გამომქრა ყელი, რა დროს მილაღატაო“. ვკითხე მიზეზი.— მიპასუხა, „სწორეთ ფარდის ახდის დროს გამეზარა სადღაც და ეხლა წერილი მივიღე, რომლითაც მატყობინებს, ;თუ ათ ქანქარს არ მომცემ, ისე არ ვითამაშებო.“ მე ბრიყვი რათ ვენდე მას, განაგრძო დრამატულათ მობუზულმა სცენის მოყვარემ. ვიში და გლოვის შემდეგ, ხელად მოსძებნეს მაგიერი და შეუთვალეს წყევლა-კრულვა, ან. მამათმთაქარს სცენის მოყვარეთა. გადაწყვიტეს ეთამაშათ. აიხადა ფარდა და სანახაობა ძლიერი გარდაიშალა ჩვენ წინ. იმდენათ რავე გაკადნიერდებოდი და სათითაოთ როგორ გაგებდავ ამ სრულდებელთა გარჩევას. ყველანი (გარდა მცირე გამოწაკლისა) მშვენიერები იყვნენ. განსაკუთრებით კარგი იყო ოტია. მან ისეთი ძლიერებით ჩაატარა თავისი როლი, ასე გვეგონებოდა კინიზიძის რუმბს ექვიდებოდა. ამ ძლიერმა სცენამ დამსწრენი მეტად ააღელვა, მეტად ძლიერ და მართლაც დრამატულად ჩაატარა თავისი როლი აღამიას ცოლმა. მისმა თამაშმა სულ ააქვითინა დარბაზი. სხვები? სხვები ხომ „სამკაული“ იყვნენ. მასიური სცენენები დიდებული იყო. განსაკუთრებით სიმღერა. „ჩახრენწილმა ხმემა“ დიდ ექსტაზში მოიყვანა დარბაზი. აქ სცენა, შეთხზული რამ კი არ გვეგონებოდათ, ნაიდვილი სცენა, ე. ი. ჩავლენიშვილის დუქანს აქ ხომ მეტის ყურადღებით ეკიდებოან. ასე მზიარულად დასრულდა გუნთას გულდამკოდი დრამა...

ორიოდე სიტყვა „პუბლიკაზე“. ამ საღამოს „პუბლიკა“ ც არაჩვეულებრივი იყო. ჩვენ ძალიან გვეჯავრება რაღაც დარბაისელი ხალხი, რომელიც გაქვავებულა კონსერვატორებით თავის ადგილას და უძრავათ ზის და ერთხელაც სიჩუმეს არ დაარღვევს. სამაგიეროთ, 30 მაისს თავისუფალი „პუბლიკა“ იყო; ის მეტად მოძრავი და ნამდვილი „დემოკრატიული“. აქ ამ საღამოს ყველაფერი მოძრაობდა: ხელები და ფეხები თავისუფლად დასეირნობდენ, თავისუფლად ეძინათ, თავისუფლად კეთილმოვანებდენ, თავისუფლად ხვრინავდენ, თავისუფლად იმღერდენ (ჩავლენიშვილის სცენამ ბევრს აღუძრა მადა „გაკრიმანქულებისა“), თავისუფლად ქაჩავდენ თამბაქოს და სხვა. სწორეთ სიხარულით ენა გებმება ასეთ „დისციპლინიროვან“



პუბლიკის რომ შეხედები, თორემ კონსერვატორებ-  
მა თავი მოგვაბეზრენ. ამ რიგათ წარმოდგენა ესე  
ყოველმხრივით ორიგინალური იყო და შთაბეჭდი  
ლებაც იშვიათი. ნეტარნი არიან ნიკობურგელნი,  
რაზეთუ სტუბებიან ასეთი სცენებით!

ვოლდემარ.

# მთვარეს.

ლაღათ დასკურავ ცისა სიერცეში  
სულ წინ მიილტვი, მიეშურები  
არე-მიდამოს ღიმილით ჰკოცნი  
და მთის მწვერვალებს ეალერსები.  
ზღვას დაჰქათქათებ, სხივებს აპკურებ,  
ყელსა ეხვევი კიდე-ნაპირებს  
და ზღვაც მკერდს გიწვდის აზბორ საყოფათ,  
მძლავრი ტალღებით გიგალობს ტუბილ ხმებს.  
შენ თავისუფლად მიილტვი, მთვარე!  
გზას არ გიღობავს ზღუდე საზღვარი,  
ხელს არვინ გიშლის და სელას განაგრძობ...  
ირგვლივ გარტყია ვარსკვლავთა ჯარი..  
ჩემთვის კი... ჩემთვის ოჰ, მთვარე!.. მთვარე!..  
რისთვის დახშულა ყველგან სავალი?  
და რად მიშლიან ადამიანსა,  
რომ მეც ვილოდე თავისუფალი?..  
რად... რად მიშლიან აქ შეგებას ვგრძნობდე?  
საკოცხლის ჩანგსა ზედ დავმდგომდე?  
სატრფოს ღიმილი გრძნობას მიტკობდეს  
და იმედით წინ მივისწრაფოდე?!.  
შენ სულ იტურებ, სულ იკაშკაშებ...  
მე, ვით სანთელი, დავდებ-ჩაქვრები...  
და რად მიშხამვენ ამ მოკლე დღესაც  
მოხვედებული შავი ფიქრები?..  
შეგხარი, მთვარე, და თან მალონებს  
შენი კაშკაში, ლაღათ სრიალი!  
ხან იმედებით შემოგტრფილავს,  
ხან მეჯავრება შენი ცილი!..

ანათემა.

## დ ე კ ე შ ე ბ ი.

სოფ. ახუთი. (ზუგდიდის მაზ.) ახუთის აფთი-  
აქის პატრონს ბ-ნი ვ. ვოლსკის დაუდგენია: 1)  
აფთიაქში დაწესებული ნიხრი წამლებზე, ერთი ხუ-  
თად მოემბატოს. 2) ვისაც მისგან წამალი ესაჭირო-  
ება, ერთი კვირით ადრე შეატყობინოს. 3) მის  
აფთიაქში დამზადებული წამლების შუშების დაკო-  
ბა და რეცეპტის ჩამოკიდება ამიერიდან მოისპოს.  
ახუთის სამინისტრო სკოლის შენობაში და-  
სრულდა მონარდ კარტეთ სეზონი. ამბობენ, 1-ლ  
სექტემბრიდან ისევ განახლდება.

## ვინ არი?

ძნით ვშმაკო ისმინე  
სამეტრედიელთა მუდარა,  
და გაუშოლტე მათრახით  
„კარაპუზნიკი“ მასხარა.

ქუდზე ორ „ზნაოკს“ ატარებს  
ხელს არ აშორებს უღვაშებს,  
და თითქოს რწყილის ნაკბენით  
ბეჭებსაც შეათამაშებს.

მისი მრწამსა ქალები  
მიზანი სკრიპაჩობაო,  
მალალ ტუზებში ჩანჩალი  
და მათ წინ ლაქობაო

მეთვალყურე.



## დ ე კ ე შ ე ბ ი

ქ. თელავი. გაჩნდნენ კაცის ყლაპიები. ჯერ-  
ჯერობით მი--მ ჩაყლაპა ორი გალობის მასწავ-  
ლებელი, ერთი მღვდელი, „პისმოვოდიტელი“ ქ.  
ზავედენიის სამღვთო სჯულის მასწავლებელი და სა-  
მინისტრო სკოლის მასწავლებელი. თურმე კიდევ  
ბევრს უქადის ჩაყლაპას.

იქიდანვე. აგენტი და თავის მწერალი კუდიჩი  
ღვინის მორეში ჩაცვინდენ. საშველათ გამოცდილი  
მკურავები ჩაგზავნეს

იქიდანვე. სასტუმრო „ესპერანტოში“ კვირა-  
ობით დანიშნულია მუშტი კრივით ვარჯიშობა.  
წარსულ კვირაში პრიზები ილიკომ, ვალიკომ, კო-  
ტემ და მაყაშვილმა მიიღეს.

იქიდანვე უქმე დღეებში ბევრ მუშაობისგან  
გაუფუქდათ თვალეები სასამართლოს უმცროს მოხე-  
ლეებს (მწერლებს). მსაჯული მუქთ ექიმს შეპირდა.

იქიდანვე. კოტეს განუზრახავს ჟურნალ გაზე-  
თების კანტორა რევანას რესტორანში გადაიტანოს.

იქიდანვე. ვინც „ეშმაკის მათრახის“ თელა-  
ველ კორესპოდენტებს იპოვის, ჯილდოთ მიეცემა  
კლასნი დამებისგან რასაც კი მოითხოვს.



წიგნის გამომცემელი ამხანაგობა

„ალიონი“

მიიღება ხელისმომწეობა სამ წიგნს ერთად, 15 ივნისამდე.

1 კარლ კაუფცი — (კარლ მარქსის ეკონომიური მოძღვრება) თარგმანი რუსულიდან ფ. მახარაძის ვერსიის და კ. მარქსის სურათებით, მათი მოკლე ბიოგრაფიებით, და მთარგმნელის ვრცელი წინა პტეკაობით. დახლოებით 500 გვერდამდე.

2 ივ. გომართელი. ადასიანის და მისი 100 ვერდამდე

3 ანასტასია ერისთავ-ზოზტარიაძე. ბედია ტოლია (როსის) „ეკლესიის გარშემო“ (მოთხრობა) ავტორის სურათით. (ორივე ერთ წიგნით), ბიოგრაფიის შინაარსი აღებულია ქართველ თავდაზნაურობის და მეორესი—დღევანდელ სამღვდლოების ცხოვრებიდან. 400 გვერდამდე.

სამივე წიგნი დაბეჭდება ცალ-ცალკე ერთ და იმავე დროს. ხელის მოწერით ეღირება მხოლოდ ერთი მანეთი.

ხელის მოწერა იწყება 1-ლ მაისიდან ამა 1910 წლისა და შეწყდება 15 ივნისს.

იმ ადგილებიდან, სადა ჩვენ კვიტანციის გამყიდველი არა გვაქვს, ხელის-მომწერლებმა ერთი მანეთის გარდა უნდა გამოგზავნონ კიდევ ათი შაური ფოსტის ხარჯი, ე. ი. 1 მ. 50 კაპ. სამივე წიგნის.

ვინც ზემოხსენებულ დროს განმავლობაში არ მოაწერს ხელს ხსენებულ წიგნებზე, ის ცალკე გასაყიდათ წიგნებს ვერ იშოვის, ხოლო თუ იშოვა, სამჯერ მეტი ეღირება ვინემ ხელის მოწერით.

გამომცემლების მიზანია კარგ შინაარსიან წიგნების იაფ ფასათ გამოცემა. რასაც ამტკიცებს „ალიონი“-ს მიერ გამოცემული წიგნები: № 1. „მოკლე კურსი ეკონომიურ მეცნიერებისა 567 გვერდიანი, ღირდა ხელის-მოწერით 60 კაპ. და № 2 „გლეხი-კაცის ისტორია“ 1080 გვერდიანი წიგნი ხელის-მოწერით ერთი მანეთი. თუ ვინცოცაა ზოგიერთ შემთხვევაში სხვა და სხვა საპატიო მიზეზების გამო გადარჩა ზედმეტი ვგზავნიარები გამოცემული წიგნებისა, ასეთები უსათუოთ სამჯერ მეტ ფასში გაიყიდება როგორც შემოთ მოვისხენით, ვინაიდან სხვა გზით შეუძლებელია ამ ხისტემით წიგნებს გამაცემა. ამიტომ, ვურჩევთ მსურველთ ხელის-მოწერით შეიძინონ ხსენებული წიგნები.

გამომცემლობა ხელის-მომწერთა საყურადღებოთ აცხადებს, რომ უცნობ პირებისაგან კვიტანციები არ იყიდონ.

ხელ-მოსაწერ კვიტანციებზე დაკრულია „ალიონის“ ბეჭედი.

წიგნები დაურიგდებათ ხელის-მომწერთ სექტემბრის პირველ რიცხვებში. პროვინციებში წიგნები მიიღება კვიტანციის გამყიდველთან და თფილისში გამომცემლობის გამგესთან, კირონი ქ. № 9.

როგორც ქალაქში ისე ქალაქს გარეთ ხელის-მოწერა მიიღება ყველა აგენტებთან.

„გლეხი-კაცის ისტორია“ უკვე გაეგზავნა აგენტებს და ცალკე ხელის მოწერით.

ფული და სხვა მიწერ-მოწერის ქალაღლები, აგენტურის და ხელის-მოწერის შესახებ უნდა გამოგზავნოს შემდეგი ადრესით: Tifliss, Vasilio Gadilia, Kirochnia ul. № 9.

(0-2) წიგნის გამომც. ამხ. „ალიონი“-ს გამგე ვახილ ვადილია.